

**Uunga siunnersuut: Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xx. xx 2017-imeersoq**  
(Aningaasaqarnermut Akileraartarnermullu Naalakkersuisoq)

**Akissuteqaat**

(Aningaasaqarnermut Akileraartarnermullu Naalakkersuisoq)

**Pingajussaaneerinninneq**

Inatsisartut Aningaasaqarnermut Akileraartarnermullu Ataatsimiititaliaata ilassutitut isumaliutissiissuteqarnera Naalakkersuisut sinnerlugit qujassutigaaara .

Tamatuma saniatigut ataatsimiititaliaq qinnuiginnippoq Naalakkersuisut akissuteqaamminni ilassutitut paasissutissanik saqqummiusseqqullugit.

Sulisartut nunanit allaneersut appassisumillu akissarsiaqartinneqartut nunatsinni sulisartunut akissarsiatigut sulinikkullu atugassarititaasut malillugit nunatsinni sulisunut inangiillutik tikissinnaanerak akileraarutit ilanngaatiginagit aaqqiissut periarfissiinngilaq. Akileraarutit ilanngaatiginagit aaqqiissummi akileraarut immikkut appassisuutinneqanngilaq aammalu aningaasarsiatigut pitsaanngitsumik atugassaqaartitsilluni sulisartunit nunanit allaneersunit atorfinitsitsinissamut sulisitsisut akileraartarnikkut kajumissuseqalersinneqassanatik. .

Inunnut ukiumut 0 kr.-init 280.000 kr.-it akornanni isertitaqartunut akileraarut nalinginnaasoq akileraarutit ilanngaatiginagit aaqqiissut malillugu akileraarummit akilerneqartussamit appasinneruvoq. Tamatumunnga pissutaavoq ikileraarutit ilanngaatiginagit aaqqissuussineq malillugu akileraartartut ilanngaatit ilaannit ilanngaasersorneqanngimmata, tamatumani ilaallutik inummut nalinginnaasumillu ilanngaat.

Allatut oqaatigalugu aaqqissuussinerup nassatarissavaa sulisartut nunanit allaneersut sulisartunit nunaqavissunit qaffasinnerusumik akileraartinneqartassammata.

Akileraarutit ilanngaatiginagit aaqqiissutip taama isikkoqartillugu saqqummiunneqartup nassatarissavaa sulisartut nunaqavissut aammalu sulisartut avataaneersut ilaasa akornanni akileraarusersuinermi assigiinngissut killilimmik assigiinngissuteqartoq atuutsilerneqassammat. Tamatumani eqqorneqassanngillat inuit pisinnaatitaaffiit akerliusumik inuup piginnittussaataitaneranut il.il. pisussaaffiit.

Taama naatsumik oqaaseqarluni siunnersuut saqqummiunneqartoq ilusimisut iluseqartoq akuerineqassasoq Naalakkersuisut sinnerlugit siunnersuutigaara.